

Član 3.

Ovlašćuje se načelnik Općine Stari grad Sarajevo da imenuje članove komisija, u skladu sa članom 2. ove odluke.

Član 4.

Komisije će, u skladu sa odredbama Zakona o premjeru i katastru nekretnina i Pravilnika o izlaganju na javni uvid podataka premjera i katastarskog klasiranja zemljišta i određivanja upisa prava na nekretninama izložiti na javni uvid podatke premjera i katastarskog klasiranja zemljišta i odrediti upis prava na nekretninama za područje općine Stari grad Sarajevo.

Član 5.

Prije početka radova izlaganja, komisije će prema odredbi člana 56. Pravilnika o izlaganju na javni uvid podataka premjera i katastarskog klasiranja zemljišta i određivanja upisa prava na nekretninama pribaviti elaborat i dokumentaciju potrebnu za vođenje postupka izlaganja podataka i utvrđivanja prava na nekretninama.

Član 6.

Komisije će oglasom odrediti mjesto i vrijeme početka izlaganja podataka na javni uvid i utvrđivanja prava na nekretninama.

Član 7.

Na osnovu činjenica utvrđenih u postupku izlaganja podataka i utvrđivanja prava na nekretninama, komisije donose rješenja.

Član 8.

Troškovi rada komisija padaju na teret sredstava za uspostavu katastra nekretnina koja se obezbjeđuju iz budžeta Općine Stari grad Sarajevo i sredstava prikupljenih na osnovu Odluke o učešću posjednika i vlasnika nekretnina u finansiranju izrade katastra nekretnina područja općine Stari grad Sarajevo.

Član 9.

Kada se završi izlaganje podataka i utvrđivanje prava na nekretninama, te kada se prime i ovjere ovi radovi od strane Federalne uprave za geodetske i imovinsko-pravne poslove, komisije će zapisnički predati elaborat izlaganja i utvrđivanja prava na nekretninama, saglasno odredbama člana 82. Pravilnika o izlaganju na javni uvid podataka premjera i katastarskog klasiranja zemljišta i određivanja upisa prava na nekretninama.

Član 10.

Ova odluka stupa na snagu danom objavljivanja na oglasnoj tabli Općine Stari grad Sarajevo, a naknadno će se objaviti u "Službenim novinama Kantona Sarajevo".

Broj 02-49-112/01
21. maja 2001. godine
Sarajevo

Predsjedavajući Općinskog
vijeća Stari grad Sarajevo
mr. **Ismet Ovčina**, s. r.

Odluka o obrazovanju komisija za izlaganje podataka o nekretninama i utvrđivanja prava na nekretninama za područje općine Stari grad Sarajevo objavljuje se na oglasnoj tabli Općine Stari grad Sarajevo 25. maja 2001. godine.

Na osnovu čl. 2. i 7. Zakona o nadzidiavanju zgrada, izgradnji potkrovnih stanova i stanova u zajedničkim dijelovima stambenih i stambeno-poslovnih zgrada ("Službene novine Kantona Sarajevo", broj 17/99) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko Vijeće Stari grad Sarajevo, na sjednici održanoj 21. maja 2001. godine, donijelo je

ODLUKU

O KRITERIJIMA I MJERILIMA ZA STICANJE PRAVA PRVENSTVA DRUGIH INVESTITORA PUTEM KONKURSA ZA NADZIDIVANJE ZGRADA, IZGRADNJU POTKROVNIH STANOVA I STANOVA U ZAJEDNIČKIM DIJELOVIMA STAMBENIH I STAMBENO-POSLOVNIH ZGRADA

Član 1.

Odlukom o kriterijima i mjerilima za sticanje prava prvenstva drugih investitora na konkursu za nadzidiavanje zgrada, izgradnju potkrovnih stanova i stanova u zajedničkim dijelovima stambenih i stambeno-poslovnih zgrada (u daljem tekstu: Odluka) utvrđuju se kriteriji i mjerila za sticanje prava prvenstva na konkursu za nadzidiavanje zgrada, izgradnju potkrovnih stanova i stanova u zajedničkim dijelovima stambenih i stambeno-poslovnih zgrada kolektivnog stanovanja na području općine Stari grad Sarajevo (u daljem tekstu: Općina).

Ovom odlukom Općina samostalno uređuje sticanje prava prvenstva na konkursu u skladu sa Zakonom i Programom lokaliteta za tekuću godinu, kojima je utvrđeno da na 70% lokaliteta prvenstveno pravo za izgradnju ima Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe a na 30% Općina Stari grad Sarajevo.

Član 2.

Pravo konkurisanja za izgradnju stanova, u smislu člana 1. ove odluke imaju: državni organi, ustanove i institucije, druga pravna i fizička lica ukoliko grade stanove za rješavanje stambenih potreba stručnih, naučnih, kulturnih i javnih radnika za čijim radom postoji potreba i interes značajan za Općinu, te za osobe koje kao članovi porodičnog domaćinstva žive u stambenoj jedinici u zgradi u kojoj se vrši izgradnja stanova, a ispunjavaju kriterije za dodjelu stana.

Ukoliko se na konkurs ne prijave kategorije iz prethodnog stava na konkurs se mogu prijaviti sva ostala zainteresovana lica.

Član 3.

Objekti podobni za izgradnju stanova u smislu ove odluke su objekti za koje su pribavljeni stručni nalazi o tehničkim, urbanističkim, statičkim i drugim mogućnostima izgradnje što je utvrđeno ekspertizom odgovarajuće stručne institucije.

Član 4.

Izbor po konkursu vrši se po osnovu valorizacije sljedećih elemenata:

- a) Po osnovu stambene situacije (bez stana, neodgovarajući stan),
- b) Po osnovu broja članova porodičnog domaćinstva,
- c) Po osnovu radnog staža podnosioca,
- d) Po osnovu naučnog i stručnog zvanja ili javnog priznanja,
- e) Po osnovu zdravstvenog stanja podnosioca i članova porodičnog domaćinstva,
- f) Po osnovu pripadnosti Armiji RBiH, RMUP-a, CZ i radnoj obavezi.

Član 5.

Konkurs se objavljuje u jednom od dnevnih listova. Konkurs objavljuje i provodi načelnik Općine putem komisije koju obrazuje za provođenje konkursa. Komisiju čine predsjednik, zamjenik i pet članova. Komisija razmatra prijave pristigle na konkurs i predlaže načelniku Općine izbor lica za sticanje prava za izgradnju stanova u smislu odredaba ove odluke.

Član 6.

Načelnik Općine donosi rješenje o sticanju prava za izgradnju stanova u smislu odredaba ove odluke.

Član 7.

Protiv rješenja iz prethodnog člana ne može se izjaviti žalba ali se može pokrenuti upravni spor.

Pokrenuti upravni spor ne zadržava izvršenje rješenja.

Član 8.

Ova odluka stupa na snagu danom objavljivanja na oglasnoj ploči Općine, a naknadno će biti objavljena u "Službenim novinama Kantona Sarajevo".

Broj 02-49-111/01
21. maja 2001. godine
Sarajevo

Predsjedavajući Općinskog
vijeća Stari grad Sarajevo
mr. **Ismet Ovčina**, s. r.

Odluka o kriterijima i mjerilima za sticanje prava prvenstva na konkursu za nadzidiivanje zgrada, izgradnju potkrovnih stanova i stanova u zajedničkim dijelovima stambenih i stambeno-poslovnih zgrada objavljena je na oglasnoj ploči Općine Stari grad Sarajevo 23. maja 2001. godine.

Na osnovu člana 43. Zakona o zdravstvenoj zaštiti životinja ("Službeni list SRBiH", broj 14/78) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 21. maja 2001. godine, donijelo je

ODLUKU

O PRIPAJANJU JP "VETERINARSKA STANICA STARI GRAD" JP "KANTONALNA VETERINARSKA STANICA SARAJEVO"

Član 1.

JP "Veterinarska stanica Stari Grad" registrovano kod Višeg suda u Sarajevu rješenjem broj UF/I-97/94 od 16. 04. 1994.

godine, nastavlja sa radom kao organizaciona jedinica JP "Kantonalna veterinarska stanica Sarajevo".

Član 2.

JP "Kantonalna veterinarska stanica Sarajevo" preuzima zaposlene radnike, imovinu i sredstva JP "Veterinarska stanica Stari Grad".

Član 3.

JP "Kantonalna veterinarska stanica Sarajevo" putem organizacione jedinice veterinarska ambulanta Stari Grad, obavezna je da na području općine Stari grad Sarajevo organizira zaštitu zdravlja životinja.

Član 4.

Stupanjem na snagu ove odluke stavlja se van snage Odluka Skupštine općine Stari grad Sarajevo broj 06/1-07-2-17/1 od 18. 08. 1993. godine o osnivanju JP "Veterinarska stanica Stari Grad".

JP "Veterinarska stanica Stari Grad" briše se iz sudskog registra i prestaje sa radom dana 01. 07. 2001. godine.

Član 5.

Ova odluka stupa na snagu danom donošenja, a bit će objavljena u "Službenim novinama Kantona Sarajevo".

Broj 02-49-103/01
21. maja 2001. godine
Sarajevo

Predsjedavajući Općinskog
vijeća Stari grad Sarajevo
mr. **Ismet Ovčina**, s. r.

Općinski načelnik

Na osnovu člana 36. Statuta Općine Stari grad Sarajevo ("Službene novine Kantona Sarajevo", br. 10/98 i 17/99) i člana 12. Odluke o obrazovanju organa uprave Općine Stari grad Sarajevo ("Službene novine Kantona Sarajevo", broj 7/01 - prečišćeni tekst), donosim

RJEŠENJE

1. MUSIC SENADA, dipl. ecc., postavljam za pomoćnika načelnika za privredu i društvene djelatnosti Općine Stari grad Sarajevo.

2. Ovo rješenje objaviti u "Službenim novinama Kantona Sarajevo".

Broj 01-05-88-394
21. maja 2001. godine
Sarajevo

Načelnik Općine
Stari grad Sarajevo
Fehim Škaljić, s. r.

OPĆINA TRNOVO

Općinsko vijeće

PLAN

GAZDOVANJA ŠUMAMA NA KOJIMA POSTOJI PRAVO VLASNIŠTVA U SVOJINI GRAĐANA ILI GRAĐANSKO PRAVNIH LICA ZA 2001. GODINU

1. UVOD

Šumsko-privredna osnova za šume i šumska zemljišta na području općine Trnovo, na kojima postoji pravo vlasništva u svojini građana ili građansko pravnih lica, je donesena sa periodom važnosti od deset godina tj. od 01. 01. 1985. godine do 31. 12. 1994. godine.

Kako se vidi iz prethodno navedenog, period važnosti ove osnove je već odavno istekao, a kako još ne postoji objektivna mogućnost izrade nove Šumsko-privredne osnove, nameće se potreba donošenja godišnjih planova gazdovanja za navedene šume i šumska zemljišta.

Obzirom na ratna dještva od 1992. godine do 1995. godine, jasno je da nisu postojale objektivne mogućnosti za praćenje načina i obima sječa koje su bile predviđene šumsko-privrednom osnovom. Pomenute sječe su uglavnom bile bespravne i nekontrolisane, a vršene su za potrebe raznih vojski (linije razgraničenja, logori i sl.), kao i za civilno stanovništvo oba BH entiteta. Veći dio ovih šuma se nalazio u zoni ratnih dještava tako da ima dosta stabala koja su oštećena (prelom, izvala, gelerisanost i sl.), a znatan dio površinaje i miniran, čemu se mora posvetiti znatna pažnja u narednom uređajnom periodu.

Takode treba napomenuti da neki tačniji podaci o izvršenim sječama iz navedenog perioda ne postoje, a i eventualna procjena ratnih šteta na velikim površinama nije moguća iz više opravdanih razloga kao što su:

- povlačenjem entitetske linije Deytonskim mirovnim sporazumom na području drugog BH entiteta ostalo je oko 30 % od ukupne teritorije prijeratne općine,
- znatan dio šumske površine je miniran ili se pretpostavlja da je miniran,